



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

იონა მროველი

იონა მროველი (ერისკაცობაში - ივანე გაბრიელის ძე გ ე დ ე ვ ა ნ ი შ ვ ი ლ ი) (1737-1821), სასულიერო და საზოგადო მოღვაწე, მოგზაური, მიტროპოლიტი (1775).

1753 აკურთხეს იეროდიაკვნად. 1770 მიენიჭა არქიმანდრიტის პატივი. 1770-75 იყო მცხეთის ჯვრის მონასტრის არქიმანდრიტი, 1775-80 - რუისის მიტროპოლიტი. 1780 ჩამოერთვა მიტროპოლიტობა და გამწესდა დავითგარეჯის მონასტერში. ი. მ-მ მოახერხა კონსტანტინოპოლში (სტამბოლი) ჩასვლა, რათა კონსტანტინოპოლის პატრიარქისაგან მიეღო კურთხევა და აღედგინა დაკარგული პატივი. 1785-92 იმოგზაურა ახლო აღმოსავლეთსა და ევროპაში (ოსმალეთი, იავა, იერუსალიმი, დამასკი, ანტიოქია, ეგვიპტე, ბეირუთი, ელიდა, ნეაპოლი, ტრიესტი, ვენეცია, ალექსანდრია, სინას მთა, ვენა, მოლდავეთი). 1792-95 ცხოვრობდა და მოღვაწეობდა კიევში, 1795-1821 - მოსკოვში, ჩუდოვის მონასტერში.

მეტად საყურადღებოა ი. მ-ის თხზულება „მიმოსვლა ანუ მგზავრობა იონა რუისის მიტროპოლიტისა“, რ-იც 1852 გამოსცა პ. იოსელიანმა. თხზულებაში ზედმინწევნიტაა აღწერილი ი. მ-ს მოგზაურობა. იგი დაწერილი უნდა იყოს 1804-05. თხზულება წარმოადგენს გეოგრაფიული ლიტ-რის ერთ-ერთ საუკეთესო ძეგლს.

ლიტ.: «მწყემსი», 1898, №4.

ლ. ურუშაძე